

Kriabon ta pone kondishon na ‘plan di kabritu’

KRALENDIJK – Doñonan di kabritu bou di kondishon ta dispuesto pa koperá ku e plan ku Universidat di Wageningen ta propone pa atendé ku kabritu. Esei nan a disidí den un reunion di Kriabon.

Segun un investigashon di e universidat, e manera ku ta kria kabritu awor no tin futuro. Mester di un

manera pa atendé ku e 32 mil kabritunan ku ta kana lòs i ta okashoná hopi daño na naturalesa. Nan ta kome palu ku ta krese ku ta pone ku ta afektá vegetashon i ta bin eroshon. For di e investigashon di Imares a resultá ku awa ku ta bai laman ta afektá ref di koral.

Pa motibu di preis abou di karni di kabritu, ladro-

nisia i kachó ku ta ataká kachó, e problema serka doñonan di kabritu ta grandi. Ta bandoná hopi kunuku i e koheshon sosial ta disparsé. Pa fortifiká e sektor, ta rekomendá pa laga kabritunan den kurá, drecha kalidat di kuminda di bestia i hiba produkshon i maneho di kabritu na un

nivel mas haltu.

E luna aki, e investigadónan di Wageningen ta bin diskutí nan plan ku kunukeronan i doñonan di kabritu. Den un reunion general di Kriabon, a pone sinku kondishon pa bai di akuerdo ku e plan. Eseinan ta ku kuminda di kabritu mester ta pagabel, distribu-

shon di awa tin ku bira efesiente i ku doñonan di kabritu ta haña sosten ku seramentu di nan kurá. Banda di esei tin ku sòru pa protekshon den besindario di kunukunan i mester atendé ku buriku ku ta kana lòs, pasobra nan tambe ta forma parti di menasa pa naturalesa.